



IRAGARKIA

Udalbatzak, 2023ko urriaren 4an egindako ohiko bilkuran, **erabaki zuen hasierako onespena ematea administrazio zerbitzuak emateagatik ordaindu beharreko tasak arautzen dituen zerga ordenantza hirigune historikoko oinezkoen gunera sartzeko txartelei dagokienez aldatzeari.**

Agiria jendaurrean egon den bitartean erreklamaziorik aurkeztu ez denez gero, behin betiko onetsizat jotzen da. Hona hemen:

ADMINISTRAZIO ZERBITZUAK EMATEAGATIK KOBRATU BEHARREKO TASAK ARAUTZEN DITUEN ZERGA ORDENANTZA

I. Xedapen orokorrak

1. artikulua

Dulantziko Udalak, bat etorritz Arabako Lurralde Historikoko Toki Ogasunak arautzen dituen uztailaren 19ko 41/1989 Foru Arauak 20. artikuluan xedatutakoarekin, tasak ezarri eta eskatzen ditu ordenantza honetan, zerbitzu publikoak emateagatik edo honako jarduera hauek egiteagatik:

- I. epigrafea. Agiriak jaulki eta ematea.
- II. epigrafea. Autotaxien eta alokairuko gainontzeko ibilgailuen lizentziak edo administrazio baimenak ematea.
- III. epigrafea. Podologia zerbitzua.
- IV. epigrafea. Arriskutsuak izan litezkeen animalien lizentziak eta erregistroa kudeatzea eta bestelako zerbitzuak.
- V. epigrafea. Herrigune historikoko oinezkoen gunera sartzeko txartelak ematea.

Ordenantza hau Dulantziko udalerrri osoan aplikatzen da.

II. Zerga egitatea

2. artikulua

1. Zerga egitatea da zerbitzu publikoak ematea edo udalaren eskumeneko administrazio jarduerak egitea, baldin eta subjektu pasiboak badagozkie edo batez ere haiei eragin edo onura ematen badiete, 41/1989 Foru Arauak 20. artikuluan xedatutakoarekin bat etorritz.

2. Administrazio jarduerak edo zerbitzuak subjektu pasiboari eragiten diola edo hari erreferentzia egiten diola ulertuko da, baldin eta subjektu pasiboak berak eragin badu, zuzenean edo zeharka, berak egindakoagatik edo ez egindakoagatik, eta horren ondorioz Dulantziko Udalak ofizioz jarduerak egin edo zerbitzuak eman behar baditu, segurtasun zein osasun arazoengatik, herritarrak zerbaitez hornitu behar dituelako, edo hirigintza arloko zein beste edozein arlotako arrazoi bada tarteko.

3. Zerbitzuak ematearen tasa ezarrita ere, horrek ez du esan nahi zerbitzu horiek ezartzeak edo gehitzeak sor litzakeen kontribuzio bereziak ordainarazi beharko ez direnik.2/3

III. Subjektu pasiboak

3. artikulua

1. Subjektu pasibo zergadunak dira pertsona fisiko zein juridikoak eta Arabako Lurralde Historikoko Zergei buruzko Foru Arau Orokorrak 35. artikuluko 3. paragrafoan aipatzen dituen erakundeak, baldin eta zerbitzua emateko eskatzen badute edo haren onuraz gozatzen badute edo hark eragiten badie.

2. Etxebizitzen edo lokalen erabiltzaileei onura eman edo eragiten dieten zerbitzuak emateagatik edo jarduerak egiteagatik ezarritako tasak ordaintzeko, ondasun higiezin horien jabeak izango dira zergadunaren ordezkioak, eta haiek kuotak ordainarazi ahal izango dizkiete onuradunei, hala dagokionean.



IV. Salbuespenak, murrizketak eta hobariak

4. artikulua

Salbuespenak, murrizketak, hobariak eta beste zerga onura batzuk onartzerakoan, bete egin beharko da ordenantza honetan xedaturikoa.

V. Zerga oinarria

5. artikulua

Dena delako zerbitzu edo jardueraren kostu erreala edo aurreikusitakoa da zerga oinarria, kontuan hartuta zer zuzeneko gastuk edo zeharkakok osatzen duten zerbitzuaren edo jardueraren kostu osoa, baita zer finantza gastu egon den, higiezinetatik zer amortizatu den, eta zer gastu orokor egin den ere, kontribuzio berezien bidez ordaindu ez direnak.

VI. Kuota

6. artikulua

1. Zerga kuota zehazteko, ordenantza honen epigrafeetan jasotzen diren tarifetatik dagokiona aplikatuko da, betiere hura aplikatzeko arauekin bat etorritz.

VII. Sortzapena eta zergaldia

7. artikulua

Tasa noiz sortzen den:

- a) Zerbitzua ematen edo jarduera egiten hastearekin batera; nolahi ere, lanari ekin aurretik zenbateko osoa edo zati bat jartzeko eska daiteke.
- b) Jarduera edo espedientea abiarazteko eskaera aurkezten denean, zeina ezin izango baita egin edo izapidetu ordaindu beharrekoa ordaindu arte. VIII. Likidazioa eta ordainketa

8. artikulua

Dulantziko udal administrazioak egingo ditu kontzeptu bakoitzarengatik egin beharreko likidazioak, kasuan kasuko tarifetan jasoriko ordainarazpen bakoitzaren arau berezien arabera.

Dena den, tasak autolikidazioaren bidez ordaintzeko ere eskatu ahal izango da.

XI. Tasen kudeaketa

9. artikulua

Arabako Zergen otsailaren 28ko 6/2005 Foru Arau Orokorrak eta indarreko lege xedapenek ezarritakoa aplikatuko da ordenantza honek araututako tasen likidazio, dirubilketa eta ikuskatzearen gaineko guztian, eta zergen arau hausteen kalifikazioaren eta kasuan kasu ezarri beharreko zehapenak zehaztearen gaineko guztian. 3/3 Azken xedapena

ALHAOn behin betiko argitaratzen denean hasiko da aplikatzen zerga ordenantza hau, eta indarrean jarraituko du harik eta berriaz aldatzea edo indargabetzea erabakitzen den arte.

I. epigrafea. Agiriak jaulki eta ematea.

I. Aplikazio-arauak

1.a- Tasa honen xedea da interesdunak eskatuta, eskaera aldeztu aurretik eginda, agiriak jaulkitzea eta ematea.

2.a- Tasak zergapeko egitatea sortzen duen idazkia, eskabidea edo agiria aurkezten denean ordainduko dira.



3.a- Zerbitzua eskatzen duten pertsona fisiko edo juridikoek ordaindu beharko dute, eta, ezarritako tasa ordaindu ezean, ez da zerbitzuaren xedea emango.

4.a- Ez da inolako hobaririk emango honako tarifa hauetan adierazitako zerga kuoten zenbatekoetan.

II. Tarifak

1.- Egiaztagiriak:			
-Azken 5 urteetako udal akordio eta agirienak	0,60	Euro orriko	
-Azken 5 urteetatik gorako udal akordio eta agirienak	0,80	Euro orriko	
2.- Agiriak euskarri informatikoan ematea:			
-Hiri Antolamenduko Plan Orokorrari buruzko agiriak (CD ROMen)	20,00	Euro CDko	
-Gainerako agiriak (CD ROMen)	10,00	Euro CDko	
-Gainerako agiriak (DVD ROMen)	45,00	Euro DVDko	
3.- Alegria-Dulantziko Udalean ondorioz izan behar ez duten agiriak konpultsatzea eta erkatzea:			
-Agiriak oro har	0,10	Euro orriko	
4.- Fotokopiak ematea			
Neurria	Euroak	Euroak	Euroak
	Arrunta	Murritzua	Handitua
DIN A-4	0,15	0,20	0,20
DIN A-3	0,30	0,40	0,40
Koloretan izanez gero, tarifak ehuneko 100 handituko lirateke.			
5.- Planoak eta bestelako agiriak erreproduzitzea			
Gasteizen kokaturiko merkataritza-establezimendu bateko makineria behar izanez gero, 20 euroko tasa gehi fakturaren kostuaren ehuneko 100 kobratuko da.			

II. epigrafea. Autotaxien eta alokairuko gainontzeko ibilgailuen lizentziak edo administrazio baimenak ematea.

I.- Zerga egitatea

1. artikulua

Tasa honen zerga egitatea da martxoaren 16ko 763/1979 Errege Dekretuak onetsitako Automobil Arinen Hiri Barruko eta Hiriarteko Garraio Zerbitzuen Erregelamendu Nazionalean aipatzen diren autotaxien eta alokairuko gainontzeko ibilgailuen lizentziei dagokienez jarraian adierazten diren zerbitzuak ematea eta jarduerak egitea:

- a) Autotaxi lizentziak jaulkitzea eta ematea.
- b) Autotaxi lizentziak erabiltzea eta ustiatzea.
- c) Lizentziaren xede den ibilgailua ordezkatzeko baimena.
- d) Lizentziak eskualdatzeko baimena, ematea dagokionean.

2. artikulua

Titularraren heriotzak, ezintasunak edo erretiroak eragindako titulartasun aldaketak, haren ezkontidearen edo legez antzeko egoeran dagoen pertsonaren eta haren seme-alaben alde, ez dira eskualdaketatzat joko.

II.- Subjektu pasiboak

3. artikulua

Tasa honen subjektu pasiboak dira, zergadun gisa, Zergei buruzko Lege Orokorraren 35.4. artikuluan aipatutako pertsona fisiko edo juridikoak eta entitateak:

- a) Lizentziaren emakidaren eta jaulkipenaren onuradun den pertsona edo entitatea, edo lizentziaren eskualdatzearen xede dena.
- b) Ordezkatuko den ibilgailuaren lizentziaren titularra.



III.- Zerga kuota

4. artikulua

Lehen tarifa: autotaxi lizentzia emateagatik eta eskualdatzeagatik

Kuota bakarra: 300 euro

Bigarren tarifa: ibilgailua ordezkatzegatik

Kuota bakarra: 25 euro

Hirugarren tarifa: lizentzia erabiltzeagatik eta ustiatzeagatik

Urteko kuota: 25 euro

IV. Tasen sortzapena, likidazioa eta ordainketa

5. artikulua

- a) Lizentzia erabiltzeagatik eta ustiatzeagatik tasa urte natural bakoitzeko lehen egunean sortuko da, lizentzia ematen den urtean eta lizentzia ematen den egun berean. Tasa urtekoa, hainbanaezina eta murriztezina da, eta ordainagiri bidez kobratuko da.
- b) Lizentziak emateagatik edo eskualdatzeagatik tasa: lizentzia ematen den unean, haren emakida edo eskualdatze data edozein izanda ere.
- c) Ibilgailua ordezkatzuz gero, ordainketa ibilgailua ordezkatzeko baimen eskaerarekin batera egingo da.

III. epigrafea. Podologia zerbitzua.

I. Xedea

Tasa honen xedea da Alegria-Dulantziko udalerrian erroldatutako 60 urtetik gorako pertsonen edo ezintasun egoera bereziengatik podologia txartela jaso duten pertsonen podologia zerbitzua erabiltzea.

Zerbitzua Alegria-Dulantziko jubilatuen zentroan ematen da. Interesdunek Alegria-Dulantziko udaletxean egin beharko dute eskaera, NANA, agiri neurriko argazki bat eta erroldatze ziurtagiria ere aurkeztuta.

II. Tarifa

Erabiltzaileek 6,00 euro ordaindu beharko dituzte zerbitzuko, hura jasotzen duten unean.

IV. epigrafea. Arriskutsuak izan litezkeen animalien lizentziak eta erregistroa kudeatzea eta bestelako zerbitzuak.

I. Xedea

Hauek dira tasa honen xedeak:

- a) Arriskutsuak izan litezkeen animalien lizentzia ematea edo berritzea.
- b) Arriskutsuak izan litezkeen animalien erregistroan inskribatzea.
- c) Animalia abandonatuak eta kalekoak jasotzea, instalazio egokietara eramatea, mantentzea eta haiekin loturiko bestelako zerbitzuak.

II.- Subjektu pasiboak

Subjektu pasiboak dira tasa honen zergapeko egitatea osatzen duten zerbitzuak edo jarduerak eskatzen dituzten edo horien onuradun diren pertsona fisiko eta juridikoak.



III.- Zerga kuota

Lehen tarifa: arriskutsuak izan litezkeen animaliak edukitzeko lizentzia emateagatik edo berritzeagatik

Emakida eskatzen den unean ordainduko da, edo, bestela, 5 urtean behin lizentzia berritzeko eskaera egiten denean.

Bigarren tarifa: arriskutsuak izan litezkeen animaliak udal erregistroan inskribatzeagatik

Tasa 10 eurokoa da eta erregistroan eskaera egiten denean ordainduko da.

Hirugarren tarifa: lizentzien kopiak emateagatik

Tasa 3 eurokoa da.

Laugarren tarifa: animalia abandonatuak eta kalekoak jasotzeagatik, instalazio egokietara eramateagatik, mantentzeagatik eta haiekin loturiko bestelako zerbitzuak emateagatik

Tasa ordainduko da zerbitzuak Udalari dakarkion kostuaren arabera.

IV.- Sortzapena

Ordaintzeko betebeharra kasuan kasuko zerbitzua ematen edo jarduera egiten hasten denean sortuko da.

V.- Kudeaketa

Tasak autolikidazio erregimenean eskatu ahal izango dira, hala badagokio.

Xedapen iragankorra

Ordenantza hau indarrean sartzean denean animalia arriskutsu bat edukitzeko administrazio honek emandako lizentzia dutenek 15 eguneko epea izango dute, jakinarazpena jasotzen dutenetik, arriskutsuak izan litezkeen animalien udal erregistroan inskriba dadila eskatzeko.

V. epigrafea. Herrigune historikoko oinezkoen gunera sartzeko txartelak ematea.

I. Xedea

Tasa honen gaia da Dulantziko herrigune historikoko oinezkoen gunera sartzeko modua ematen duen txartela edo agintea ematea, eremu horretarako sarbidearen kontrola arautzen duen ordenantzan ezartzen diren baldintzen arabera.

II. Zerga kuota

Hirigune historikoko oinezkoentzako gunera sartzeko kontrola arautzen duen ordenantzaren laugarren artikuluan ezarritako titularrek honako kuota hau ordainduko dute ematen zaizkien txartel edo aginteengatik:

	Kuota txartel edo aginte bakoitzeko
Lehenengo txartela edo agintea	Doan
Galtzeagatik, suntsitzeagatik edo hondatzeagatik eskatutako txartel edo aginte gehigarriak	Kostuaren ehuneko 125

Guztiak jakin dezaten argitaratzen da.

Alegria-Dulantzi, 2024ko otsailaren 28an
ALKATEA
Joseba Koldo Garaitigoitia Odria

ELEKTRONIKOKI SINATUTAKO DOKUMENTUA